

## Do sguir cogadh Críche Fánad

[Seán Ó Foghlú, *Four bardic poems from Leabhar Chlainne Suibhne* (M.Litt. thesis, TCD, 1992), poem 4; RIA 475 (24/P/25), 'Leabhar Chlainne Suibhne', p. 154]

1 Do sguir cogadh Críche Fánad,  
fear dá foirinn ó fuair sí;  
ní fearr damhna ríogh 'na rollaibh;  
tarla ara díol d'orraidh í.

2 Ní samhthach nach fuair a féaghuin,  
feadh treasa go dtánaig róinn;  
anaid ón chath sa thuaigh thairngigh,  
ar mbuain clach a hairgnibh óir.

3 Iadhuid uime re hucht ágha  
Aicme Shuibhne na dtreas dte;  
níor leig don ainm gan chur gcomhluinn,  
ar ndul ó ghairm Dhomhnuill de.

4 Ar gcor cuarta na gcríoch eile,  
éigean dóibh a chor i gcéill,  
ní uair cliar a tuaigh ó tánuig,  
riar nach fuair i bhFánuid féin.

5 An orra is fhearr le dáimh daoinigh  
do dhíol chléir ó tug a thail;  
'gus an réir nach uair an t-ollamh,  
do chuaidh féin mar orradh air.

6 Do smuain orra re hucht tathuimh  
teacht tar ais ní uair go réidh;  
bídh go maduin ar Mac Suibhne  
bac caduil tre chuimhne ar chléir.

7 An seal céadna ar chrích a athar,  
ua Ruaidhrí ó ránuig sé,  
a mbladh i gcáraid a chéile;  
gar d'Fhánaid ar fhéile é.

8 Gan chlódh ar-ís d'éigsibh Mumhan  
ara mhaoinibh gá mó buaidh ?  
An cliar do chuir asa bhfiachaibh,  
an riar ó Fhuil Fiachaidh fuair.

9 Ní sgéal é ar nach faghthar fiadha,  
feadh bearna gi bé do-ní;  
áit a bhuint ar gcur an chomhlainn,

'na tuinn ar ndul Domhnaill dí.

10 Ag tnúdh ré mbladh do bhí an foghlaidh,  
fear is déine dhíolas cléir;  
d'éis na gcuibhreach do bhí ar bhrághaid,  
suirgheach í re Fánaid féin.

11 Gá chor cuarta Críche Fódla,  
ní fríoth uadh anmhuin re sín;  
léigthear i n-aghaidh fhear ngonta,  
sreabh calaidh gá tochta i dtír.

12 Do rith theangadh ag triall ágha,  
eagail dó go ndearna ró,  
gi bé do gheall cur an chomhlúinn,  
ar ndul i gceann Domhnuill dó.

13 Oighreacht bhur n-aithreadh sul fuaruis,  
fada duit gan déanamh suain;  
sgor d'fhoghail sa ghairm do-gheibhe;  
soraidh don ainm eile uaibh.

14 Tig bean do bhrath asa huamhan  
dá haigneadh an uair nar nocht;  
is searc 'na haghaidh ó inghin;  
beart le haraidh imridh ort.

15 Má taoi ag tnúdh ris an gceird céadna  
ar chor áigh ní fheadar sgís;  
iongnadh an riaghail fhir th'anma;  
iarraidh sibh na harma ar-ís.

16 Díon is fhearr ní uighthear oraibh,  
re hucht troda tig dod thail;  
sghiath don chomhaidh do-ní námha,  
ré mbí domhain t'ágha air.

17 Níor ghuth dó gan dáil a mhaoineadh,  
a Mheic Suibhne na dtreas dte;  
do-chí réir uaibh leis an ollamh,  
gruaidh ghéill aga donnadh de.

18 Teacht ar hionchuibh re hucht deabhtha,  
díon is fhearr uair ar a ghuin;  
a lán craoi san úir ód fhéinibh,  
a ghlúin faoi gur réidhigh ruibh.

19 An cheard budh chosmhail do thréigean  
tú id armuibh re héirghe an ré;

níor dligheadh duid déinimh faghla,  
cuid do thréidhibh th'anma é.

20 Gá theacht tar ais ó bheirn bhaoghail,  
ní bhí ar éigsibh uain is mó;  
cairde ar ollamh go car comhlainn;  
is gar bronnadh Domhnaill dó.

21 Ar feadh a chuarta i gcrích Danar,  
dé i ngach treoir do thógaibh sé;  
fáinne dearg fan tír i dtánuig;  
ceard do shín ó Fhánuid é.

22 Nach guth dóibh a ndol ar cairde,  
cliar Uladh tar éis a bhfuair;  
ní bheir do dháimh ar Síol Suibhne,  
díol i láimh nach uighbhe uaidh.

23 Ní taosga crodh le cléir oile  
éigse an tíre i dtá dá réir;  
fuair a riar gach tráth dá dtánuig,  
cliar budh ghnáth i bhFánuid féin.

24 Mac Aibhilín re hucht troda,  
tearc éinfhear budh chóir 'na chló;  
fabhach rádha go cor comhlainn,  
námha fa thol Domhnaill dó.

25 Ní fáth maoidhthe méid a bhronnadh,  
do-bheir do ghach aoinfhear é;  
ní fearr bac ar dhuilghe dheóraidh,  
go Mac Suibhne seólaidh sé.

26 Dob fhiú an t-aga fhuair 'na geimhil,  
an glas teann i dtá 'na dhiaidh;  
fad a théarma fríoth i bhFánaid,  
'na dhíoth bhéarla ar bhrághaid biaidh.

27 Eagail le mnáibh do Mhac Suibhne,  
sidhe feadhma dá bhfuair tail;  
is mó is suirgheach téid don thochar,  
níor léig cuibhreach othar air.

28 Tug a dhíol diomdha idir éigsibh;  
dob usa dó gan a dháil;  
minic nach réidh cliar dá chomhroinn;  
is béim ar riar Domhnaill dáibh.

29 Ní anaid i n-ucht a chéile,

Críoch Fhánad an uair do-chí,  
gíodh mall a dtiall ó Fhunn Uladh;  
cliar an-unn is umhal í.

30 Sgís a dtreabhtha nach bí ar bhrughaidh,  
biaidh ar-ís 'na adhbhar shuain;  
fada gur threabh fa Chloinn Cobhthaigh,  
ler bhoing fear do tholchaibh tuair.

31 Ag so a leanaid ar luing d'aimsir,  
ag ól a fhíona an eadh bíd;  
do shúgh sgath an fhuinn fa Fhánaid,  
dath ar thuinn ní thánaig tríd.

32 Téid an ceól ar codladh maidne,  
mall dá aithle éirghios súd;  
neach le suan is-teagh ní thánaig,  
re nuall sreabh fan Fhánaid úd.

33 Géag chnuaistiugh do Chinidh Suibhne,  
séad ar chléir ní choglann sí;  
sí mar ghiall ghabhar le Gráinne,  
go bhfaghar riar dáimhe dí.

34 Fuil Ó mBaoidhill na mbeart n-ordhuirc,  
ag adhnadh tre ghile a gruaidh,  
is crú Suibhne i gceann a chéile;  
na buidhne ór fhearr Éire d'uaim.

35 Geall ar dheilbh ag dul go Gráinne;  
geall oinigh ní hé nar thuill;  
cuireadh a-nú arbh áil don fhilidh;  
a clú tar mnáibh Cinidh Cuinn.

36 Pilib agus Iacób asbal,  
dá n-agra Dia cóir na gcló,  
dom shaoradh ar fheirg a hoighir,  
faobhar deilg gér dhoiligh dó.